

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA SABA

KIKAO CHA KUMI NA TANO

02 MEI, 2017



ORODHA YA SHUGHULI ZA LEO

MKUTANO WA SABA

KIKAO CHA KUMI NA TANO – TAREHE 02 MEI, 2017

I. DUA:

II. HATI ZA KUWASILISHA MEZANI:

WAZIRI WA AFYA, MAENDELEO YA JAMII, JINSIA, WAZEE NA WATOTO:

Randama za Makadirio ya Mapato na Matumizi ya Wizara ya Afya, Maendeleo ya Jamii, Jinsia, Wazee na Watoto kwa Mwaka wa Fedha 2017/2018.

MWENYEKITI WA KAMATI YA HAKI, MAADILI NA MADARAKA YA BUNGE:

Taarifa ya Kamati ya Haki, Maadili na Madaraka ya Bunge kuhusu Shauri la kudharau Mamlaka ya Spika linalowahusu Mheshimiwa Freeman Aikael Mbowe (Mb) na Mheshimiwa Halima James Mdee (Mb).

Taarifa ya Kamati ya Haki, Maadili na Madaraka ya Bunge kuhusu Shauri la kuingilia Uhuru na Haki za Bunge linalowahusu Ndugu Paul Christian Makonda na Ndugu Alexander Pastory Mnyeti.

Taarifa ya Kamati ya Haki, Maadili na Madaraka ya Bunge kuhusu Shauri la kudharau Mamlaka ya Spika linalomhusu Mheshimiwa Ester Amos Bulaya (Mb).

III. MASWALI:

OFISI YA RAIS (TAMISEMI):

119. MHESHIMIWA PETER JOSEPH SERUKAMBA (KIGOMA KASKAZINI):

Atamuuliza Mheshimiwa Waziri wa Nchi, Ofisi ya Rais (TAMISEMI):- Mheshimiwa Rais alipokuja kwenye Kampeni aliahidi kuanza ujenzi wa barabara ya Mwandiga – Chankele – Kagunga:-

Je, ni lini ujenzi wa barabara hiyo utaanza.

120. MHESHIMIWA SAUMU HERI SAKALA (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, Serikali ina mpango gani wa kutengeneza magari yaliyopo kwenye Halmashauri ya Wilaya ya Pangani kwa haraka kutokana na uhaba wa magari unaosababishwa na ubovu wa magari.

121. MHESHIMIWA STANSLAUS SHING'OMA MABULA (NYAMAGANA):

Atamuuliza Mheshimiwa Waziri wa Nchi, Ofisi ya Rais (TAMISEMI):- Fedha zinazotengwa na Halmashauri kutokana na mapato ya ndani; 10% ya fedha hizo zinatakiwa kwenda kwa Vijana na Wanawake na zinatakiwa ziwafikie walengwa kila mwaka bila kukosa:-

Je, Serikali iko tayari kutoa agizo la msisitizo kwa Halmashauri zote nchini kutenga fedha hizo na wala wasichukulie kama ni hisani.

WIZARA YA ARDHI, NYUMBA NA MAENDELEO YA MAKAZI:

122. MHESHIMIWA AMINA NASSOR MAKILAGI (VITI MAALUM):

Atamuuliza Mheshimiwa Waziri wa Ardhi, Nyumba na Maendeleo ya Makazi:-

Je, Serikali ina mikakati gani ya kupima ardhi yote ya Tanzania na kuipangia matumizi yaliyo bora kufuatia kuwepo kwa tatizo kubwa la migogoro ya ardhi kati ya Wakulima, Wafugaji na Mamlaka ya Hifadhi.

123. MHESHIMIWA UPENDO FURAHA PENEZA (VITI MAALUM):

Atamuuliza Mheshimiwa Waziri wa Ardhi, Nyumba na Maendeleo ya Makazi:- Tatizo la makazi duni kwa Wananchi husababisha afya mbovu na hivyo kupunguza nguvu ya uzalishaji:-

Je, Serikali ina mkakati gani wa kuhakikisha kuwa Wananchi wanapata makazi bora.

WIZARA YA KILIMO, MIFUGO NA UVUVI:

124. MHESHIMIWA HUSSEIN NASSOR AMAR (NYANG'WALE):

Atamuuliza Mheshimiwa Waziri wa Kilimo, Mifugo na Uvuvi:- Ili viwanda viweze kufanya kazi kwa ufanisi vinahitaji malighafi ya kutosha:-

(a) Je, Serikali iko tayari kutoa bei ya Pamba mapema kabla ya msimu wa kilimo kuanza ili Wakulima wawe na uhakika wa bei elekezi;

(b) Zao la Pamba limekuwa na tatizo kubwa la mbegu zisizo bora na viuatilifu hafifu; Je, Serikali imejipanga vipi kwa kuzingatia agizo la Mhe. Rais la tarehe 31/7/2016 alipokuwa akiongea na Wananchi wa Geita kwamba hatavumilia kuona Wananchi wakiletewa mbegu mbovu.

125. MHESHIMIWA ORAN MANASE NJENZA (MBEYA VIJIJINI):

Atamuuliza Mheshimiwa Waziri wa Kilimo, Mifugo na Uvuvi:- Uhitaji wa zao la Pareto Duniani ni mkubwa sana kiasi kwamba inahitajika kwa takribani tani 18,000 hadi 20,000 katika Soko la Dunia na Tanzania tuna uwezo wa kuzalisha hadi tani 8,000 tukiwa na mazingira rafiki:-

- (a) Je, ni kwa misingi gani Pareto imepangiwa mnunuzi mmoja tu wa Kigeni huku ikiwafungia milango wanunuzi wadogo wa Kitanzania;
- (b) Je, Serikali imechukua hatua gani kusimamia bei ya zao hilo ambayo imeporomoka kutoka Tsh. 2,400/= katika kipindi cha wanunuzi wengi hadi Tsh. 1,500/= chini ya mnunuzi mmoja;
- (c) Je, Serikali ina mkakati gani wa muda mrefu na wa muda mfupi wa kuwawezesha wanunuzi wadogo wa Kitanzania kuingia kwenye ushindani na wanunuzi wageni.

WIZARA YA FEDHA NA MIPANGO:

126. MHESHIMIWA DKT. GODWIN OLOYCE MOLLEL (SIHA):

Atamuuliza Mheshimiwa Waziri wa Fedha na Mipango:- Wilaya ya Siha ina changamoto ya upungufu wa ardhi jambo ambalo limesababisha

wananchi kushindwa kuendesha shughuli zao za kiuchumi kwa ufanisi na pia kuendeleza makazi yao katika maeneo hatarishi:-

- (a) Je, Serikali ina mpango gani wa kuwagawia wananchi mashamba yaliyoko chini ya Hazina kama vile mashamba ya Foster, Journey End na Harlington ili wananchi wayatumie kwa kilimo ikizingatiwa kuwa wananchi Kata ya Nchimeta, Ngarenairobi wanaishi kwenye maporomoko hatarishi hasa wakati wa mvua na majanga ya moto;
- (b) Je, Serikali ina mpango gani wa kutenga ardhi kwa ajili ya ufugaji kwa wananchi wa Siha ambao kwa sasa hawana maeneo ya malisho kwa mifugo yao.

127. MHESHIMIWA GEORGE MALIMA LUBELEJE (MPWAPWA):

Atamuuliza Mheshimiwa Waziri wa Fedha na Mipango:- Kila mwaka Bunge limekuwa likipitisha Bajeti ya Serikali kuhusu Wizara, Mikoa na Wilaya lakini kumekuwa na ucheleweshwaji wa fedha zinazotengwa kwa ajili ya Miradi ya Maendeleo hususan katika Mikoa na Wilaya na kupelekea miradi mingi kutokamilika.

Je, ni sababu gani za msingi zinazofanya Serikali kuchelewa kuleta fedha za Miradi ya Maendeleo katika Mikoa na Wilaya.

WIZARA YA AFYA, MAENDELEO YA JAMII, JINSIA WAZEE NA WATOTO:

128. MHESHIMIWA STELLA ALEX IKUPA (VITI MAALUM):

Atamuuliza Mheshimiwa Waziri wa Afya, Maendeleo ya Jamii, Jinsia Wazee na Watoto:- Asilimia kubwa ya watu wenye ulemavu wana vipato duni sana kiasi cha kushindwa kumudu gharama za matibabu:-

Je, Serikali haioni kuwa ni muda muafaka sasa wa kuwajumuisha Watanzania hawa wenye kipato duni na wenye ulemavu kwenye Sera ya Msamaha wa Uchangiaji Huduma za Afya kama ilivyo kwa Wanawake wajawazito, Watoto chini ya miaka mitano na Wazee.

WIZARA YA MAMBO YA NDANI YA NCHI:

129. MHESHIMIWA ESTER AMOS BULAYA (BUNDA MJINI):

Atamuuliza Mheshimiwa Waziri wa Mambo ya Ndani ya Nchi:- Kumekuwa na matukio ya mara kwa mara ya ujambazi na unyang'anyi wa

kutumia silaha ndani ya Mji wa Bunda na wahanga wa matukio hayo ni Wafanyabiashara wadogo wadogo:-

Je, ni hatua zipi za kiusalama zimechukuliwa ili kukabiliana na wimbi la ujambazi na unyang'anyi katika Mji wa Bunda.

IV. HOJA ZA KAMATI:

MWENYEKITI WA KAMATI YA HAKI, MAADILI NA MADARAKA YA BUNGE:

Taarifa ya Kamati ya Haki, Maadili na Madaraka ya Bunge kuhusu Shauri la kudharau Mamlaka ya Spika linalowahusu Mheshimiwa Freeman Aikael Mbowe (Mb) na Mheshimiwa Halima James Mdee (Mb).

Taarifa ya Kamati ya Haki, Maadili na Madaraka ya Bunge kuhusu Shauri la kuingilia Uhuru na Haki za Bunge linalowahusu Ndugu Paul Christian Makonda na Ndugu Alexander Pastory Mnyeti.

Taarifa ya Kamati ya Haki, Maadili na Madaraka ya Bunge kuhusu Shauri la kudharau Mamlaka ya Spika linalomhusu Mheshimiwa Ester Amos Bulaya (Mb).

V. HOJA ZA SERIKALI:

WAZIRI WA UJENZI, UCHUKUZI NA MAWASILIANO:

Kwamba, Bunge sasa likubali kupitisha Makadirio ya Mapato na Matumizi ya Wizara ya Ujenzi, Uchukuzi na Mawasiliano kwa Mwaka wa Fedha 2017/2018.

(Majadiliano yanaendelea)

**DODOMA
02 MEI, 2017**

**DKT. T. D. KASHILILAH
KATIBU WA BUNGE**